

3217

Bosna i Hercegovina  
Federacija Bosne i Hercegovine  
**KANTON SARAJEVO**  
Zavod za planiranje razvoja  
Kantona



Босна и Херцеговина  
Федерација Босне и Херцеговине  
**КАНТОН САРАЈЕВО**  
Завод за планирање развоја  
Кантона

Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Canton Planning

01-09-2020

PRIMLJENO:			
Organizaciona jedinica	Yhtisäisyksikkö	Broj	Broj priloga
01	04	127823	199

Broj: 03-19-3142/20

Datum: 04.08.2020.

Bosna i Hercegovina  
Federacija Bosne i Hercegovine  
Skupština Kanton Sarajevo  
n/r: Predsjedavajući Skupštine  
Kantona Sarajevo Dr. Mirza Čelik

Veza: Vaš akt broj 01-04-27823-42/20 od 29.07.2020. godine

**PREDMET:** Zahtjev za dostavu Prezentacije osnovne koncepcije Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća)

Poštovani,  
zastupničko pitanje Zastupnice Neire Dizdarević postavljeno na 27. Radnoj sjednici Skupštine Kantona Sarajevo održanoj dana 28.07.2020. godine u okviru tačke Dnevnog reda Poslanička/zastupnička pitanja, inicijative i odgovori se odnosi na:

- 1.- dostavu Prezentacije osnovne koncepcije Urbanističkog plana urbanog područja Sarajevo u elektronskoj formi sa prezentacije koja se održala 13.07.2020. godine ili da se ista Prezentacija na idućoj j radnoj sjednici predstavi zastupnicima Skupštine Kantona Sarajevo;
- 2.- te da se ista Prezentacija putem medija naročito Televizije Sarajevo, zvanične web stranice, putem FB profila Vlade Kantona Sarajevo predstavi i građanima.

Ovim putem Vas informiramo da su osnovne odredbe postupka pripreme i izrade Urbanističkog plana urbanog područja Sarajevo (Plan), obzirom na vrijeme kada je usvojena i objavljena Odluka o pristupanju izradi Plana, određene Zakonom o prostornom uređenju Kantona Sarajevo koji je objavljen u Službenim novinama Kantona Sarajevo broj 7/05 (Zakon) i istim je definirana procedura izrade i donošenja ovog Plana.

Sadržaj, postupak pripreme i izrade urbanističkih planova definiran je Uredbom o jedinstvenoj metodologiji za izradu planskih dokumenata – Uredba („Sl. novine Federacije BiH, br. 63/04, 50/07 i 84/10). Ovom Uredbom je definisano da se plan radi u dvije faze. Prva faza podrazumijeva izradu Prostorna osnove, a druga faza izradu Prednacrt, Nacrt i Prijedloga plana.



Sarajevo, Branilaca Sarajeva 26; Pošt. pret 105;  
Tel: Centrala + 387 33 258-275; + 387 33 258-285;  
Tel: Direktor + 387 33 226-736;  
Fax: + 387 33 209-543;  
Tel: Finansije, Tel/Fax : + 387 33 207- 321  
Web: <http://zpr.ks.gov.ba> e-mail: [info@zpr.ks.gov.ba](mailto:info@zpr.ks.gov.ba)



Prilikom izrade druge faze Plana, projekcija prostornog razvoja preuzima i razrađuje usaglašeni i usvojeni osnovni koncept prostornog razvoja odnosnog prostora kao cjeline, te povezivanje sa susjednim prostorima, kao i širim prostorom.

Odluka o pristupanju izradi Urbanističkog Plana objavljena je u "Sl. novinama Kantona Sarajevo", br. 48/16 od 01.12.2016. godine (Odluka). Ovom Odlukom su definisani Nosilac pripreme: Vlada Kantona Sarajevo i Nosilac izrade: Zavod za planiranje razvoja Kantona Sarajevo.

Odlukom su definisani i ostali učesnici u pripremi i izradi Plana:

- Savjet Plana-stručno tijelo za praćenje izrade Plana

(U skladu sa Uredbom i Zakonom, a što je definisano i Odlukom o pristupanju izradi Plana nosilac pripreme Plana može posebnim aktom formirati Savjet plana sastavljen od stručnih, naučnih, javnih i drugih lica radi stručnog praćenja izrade planskog dokumenta: stručne rasprave o svim fazama izrade, utvrđivanja osnovne koncepcije prostornog razvoja, te usaglašavanja sektorskih politika, daje mišljenje o primjedbama i sugestijama prikupljenim u toku komunikacija sa javnošću prema Programu uključivanja javnosti (Program) i u toku razmatranja nacрта, odnosno prijedloga plana u nadležnim organima, kao i ostalim aktivnostima definisanih Programom i Odlukom, a sve do usvajanja Plana.);

- Subjekti planiranja: navedeni u Odluci o pristupanju izradi Plana

(Kanton, ministarstva, zavodi, kantonalna javna preduzeća, općine na čijem se području nalazi obuhvat Plana, mjesne zajednice, zainteresovane nevladine organizacije, vlasnici i korisnici zemljišta, potencijalni investitori i drugi zainteresovani subjekti koji iskažu svoj interes.);

- Plan donosi: Skupština Kantona Sarajevo.

U skladu sa Zakonom, Uredbom i Odlukom Nosilac pripreme Plana je i nosilac aktivnosti na uključivanju javnosti u proces pripreme i izrade Plana, te za isti izrađuje i Program uključivanja javnosti u proces pripreme i izrade Plana. Programom uključivanja javnosti precizno se definiraju načini uključivanja javnosti (organiziranje tribina, okruglih stolova, javnih rasprava i drugih oblika uključivanja javnosti) u toku pripreme i izrade planskog dokumenta. Dakle, odluku o prezentiranju pojedine faze Plana javnosti tokom njegove izrade donosi Nosilac pripreme Plana, odnosno Vlada Kantona Sarajevo. Takođe, važećom legislativom i Odlukom je definirana obaveza i utvrđene odredbe o javnoj raspravi u sljedećoj fazi izrade Plana – Prednacrt/Nacrt plana. Prednacrt Plana stručno verifikuje i predlaže Vladi Savjet plana. Vlada Kantona Sarajevo utvrđuje Prednacrt plana u formi Prijedloga Nacrta Plana i podnosi ga Skupštini Kantona na razmatranje i utvrđivanje Nacrta, te stavljanje Plana na javni uvid i javnu raspravu. Nosilac pripreme Plana stavlja predmetni Plana na javni uvid i na javnu raspravu u roku utvrđenom u Odluci.

Prostorna osnova, I faza izrade Plana sastoji se iz: snimka postojećeg stanja i problema u prostoru i uređenju prostora; njegove analize i ocjene mogućnosti daljeg razvoja, općih i posebnih ciljeva prostornog razvoja i osnovne koncepcije prostornog razvoja, odnosno smjernica planiranog prostornog razvoja. Prostornu osnovu sa osnovnom koncepcijom prostornog razvoja stručno verifikuje i predlaže Vladi Savjet plana, a istu usvaja Vlada Kanton Sarajevo, sa zaključkom i smjernicom Nosiocu izrade da pristupi izradi sljedeće faze Plana.

Nosilac izrade Plana obavezan je pripremiti skraćenu verziju tekstualnog i grafičkog dijela planskog dokumenta (prezentaciju) za potrebe uključivanja javnosti u postupak izrade planskog dokumenta, a prema Programu o uključivanju javnosti.

Nosilac pripreme, uz stručnu podršku Savjeta plana, zauzima stav u pogledu dostavljenih primjedbi i sugestija, sa obrazloženjem i razlozima zbog kojih pojedine primjedbe i sugestije nisu prihvaćene i dostavlja ga Nosiocu izrade Plana. Nakon sumiranja rezultata javne rasprave Nosilac pripreme Plana, će putem Nosioca izrade Plana pripremiti Prijedlog Plana i dostaviti Skupštini Kantona Sarajevo radi donošenja.

Materijal Prostorne osnove sa osnovnom koncepcijom prostornog razvoja, a koji je prezentiran 13.07.2020.godine Ministarstvu prostornog uređenja, građenja i zaštite okoliša, kao resornom ministarstvu je radni materijal. Isti će se prezentirati i Savjetu plana, kad se formira. Ministarstvo prostornog uređenja, građenja i zaštite okoliša Kantona Sarajevo i Savjet plana razmatraju dostavljenu osnovnu koncepciju i odabiru smjernice i opredjeljenja za izradu konačne varijante osnovne koncepcije prostornog razvoja predmetnog obuhvata i dostavljaju Nosiocu izrade stav o istom.

Napominjemo da je Zavod za planiranje razvoja Kantona Sarajevo samostalna upravna organizacija čije je djelokrug rada utvrđen Zakonom o organizaciji i djelokrugu organa uprave i upravnih organizacija Kantona Sarajevo (Prečišćeni tekst, Sl. novine Kantona Sarajevo 2/12), odnosno vrši određene stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove utvrđenih zakonom i drugim propisima, odlukama Vlade Kantona i Skupštine Kantona.

U skladu s gore navedenim, a u vezi Zahtjeva uvažene Zastupnice dužni smo Vas obavjestiti sljedeće:

1.- da je Prezentacija od 13.07.2020. godine prezentacija radnog materijala Prostorne osnove sa osnovnom koncepcijom prostornog razvoja održana za predstavnike Ministarstva prostornog uređenja, građenja i zaštite okoliša, kao resornog ispred Nosioca pripreme Plana, te da Vam nismo u mogućnosti istu isporučiti, obzirom da Prostorna osnova nije dostavljena Nosiocu pripreme, odnosno Vladi Kantona Sarajevo na dalje postupanje.

Napominjemo da ćemo materijal Prostorne osnove sa osnovnom koncepcijom prostornog razvoja dostaviti Nosiocu pripreme, putem Ministarstva prostornog uređenja, građenja i zaštite okoliša kao resornog, na dalje postupanje u narednih 15 dana, odnosno do 21.09.2020.godine. Ovo podrazumijeva, da predmetni materijal mora proći i verifikaciju kako od strane Savjeta plana, tako i od strane Nosioca pripreme Plana čime se stiču uslovi upoznavanja javnosti sa istim. Nakon verifikacije predmetnog materijala, za dostavu istog u skladu sa važećom legislativom, možete se obratiti Nosiocu pripreme, tj. Vladi Kantona Sarajevo.

Izradi sljedeće faze Plana (Prednacrt, Nacrt i Prijedloga) nije moguće pristupiti bez upoznavanja javnosti sa prethodnom fazom, te usklađivanja stavova nosioca i korisnika prostora, a na osnovu zvanično dostavljenih primjedbi i sugestija na prezentovani materijal. U skladu sa važećom legislativom Nosioc pripreme skupa sa Savjetom plana zauzima stručni stav u pogledu dostavljenih primjedbi i sugestija i dostavlja ga Nosiocu izrade za implemntiranje u sljedeću fazu Plana.

2.- Za prezentaciju Prostorne osnove sa osnovnom koncepcijom putem medija građanima, kao i svih narednih faza Plana, odnosno uključivanje javnosti u proces izrade Plana je, u skladu sa važećom legislativom, nadležan Nosioc pripreme Plana - Vlada Kantona Sarajevo, a prema Programu uključivanja javnosti.

S poštovanjem,

Prilog: Spis u povratu.

Dostavljeno:

☉ Naslovu,

Ministarstvu prostornog uređenja građenja i zaštite okoliša

- Arhiva.

Direktor  
Hamdija Efendić dipl.ing. građ.



Sarajevo, Branilaca Sarajeva, 26; Pošt. pret 405  
Tel: Centrala + 387 33 258-275; F 387 33 258-285;  
Tel: Direktor + 387 33 226-736,  
Fax: + 387 33 209-543;  
Tel: Finansije, Tel/Fax : + 387 33 207- 321  
Web: <http://zpr.ks.gov.ba> e-mail: [info@zpr.ks.gov.ba](mailto:info@zpr.ks.gov.ba)

